

永樂大典

卷二萬二千七百

六十一

永樂大典卷之二萬二千七百六十一

十合

劄 啓劄錦語七

將贈門 喪母類 喪父附

慰人喪父三幅劄子

某伏以露菊萎哉風梧殞黃共惟 直闕大孝驟膺陟岵之哀偏奉樹萱之養天崇純孝孝履支待萬福某敬上記典籤伏惟財幸

某屬者先丞相首壽就國奏記辱報切知申甫著宣之喜莫龍強健之身謂壽百年未艾也近旬決問遂傳訃告聞聞來慟一引欲絕仰惟先丞相尊于四朝元勳冠于一代 皇上為之震悼朝野罔不相吊直闕孝誠至性驟失所天何以堪之然不毀濟者聖人之大成樹立門戶者人子之大孝敢請強散渾靡稍進溢米漢之玄成唐之德裕與本朝之呂晦叔范克夫世襲台鼎趾美名德此某所以望於直闕者哭泣難繼哀不勝喪豈某所望於直闕者某老病不克駿奔會哭于終幕之前敬遣某人一行不腆奠儀列之香狀祭文矣敢奠台察

永樂大典卷之二萬二千七百六十一

一

某皇恐晉越再拜敬問北堂國太夫人即日共惟哀疚方新懿候萬福老某敬致起居慰唁之悃哀闕台眷長輝均社諸令弟直闕附此弔問有委不外

右謹具中

月 日具 位 姓 某 劄子

慰人喪母三幅劄子

某伏以虞琴悲絃霜筠染淚敬惟 某人至孝志履凶變神佑孝思台候孝履萬福某謹布某削以貢興居之間借率皇恐

某茲不虞慶門主變母夫人遽捐色養亟迓與遊悲風始聞方飯夫已不任慘戚重惟夫人賢淑如許彼蒼愍遺足可膺受者父昌熾之福何忘不已至于大故欽想某人終身之慕移作終天之痛哀楚奈何尚惟以一身係於家國者亦重惟禮制是遵母毀瘠以減性以盡孝誠以期顯揚某猶自下稟違之拜奇蹤跋蹙尚不得安職近方稍定是以修慰稽顙今專遣家僕歸其祭饌令學生躬詣重悼代伸奠禮冀望門屏但切哀號伏冀垂察

右謹具中

月 日具 位 姓 某 劄子

時令換易句

正月	花露啼紅	二月	燕調怨語	三月	蒼殘苦雨
	蕪烟慘碧		鶯訴愁聲		麥漲愁雲
四月	梅雨助泣	五月	恨浮舊玉	六月	蛙鳴舊恨
	蕪風扇悲		淚滴荷珠		蟬噪新悲
七月	鴈淚悲聲	八月	豆荳泣雨	九月	菊慘秋容
	蛩吟苦韻		桂子悲風		楓垂曉淚
十月	一寒作苦	十一月	風梅吹愁	十二月	寒烟惹林
	風物纏悲		雨竹洒淚		嚴風慘物
	神相悲摧		色慘蒿莪		聲酸薪棘
	天相				

起居操易句 風物纏悲 草莪周極 色慘蒿莪 聲酸薪棘 天相
 廬寢體力支持 神相悲摧 孝履支勝
 第二幅換易套
 有曾益訓 先大夫人奄終上壽戴星奔馳既已旬日聞訃以來同深悲
 愴切惟先堂闕範之條於曾不愧義方之訓視蓋有先天錫純嘏康寧壽
 考所以報稱者固不一而足瑤池歸侍神遊莫追夫復何憾然淵騫之思
 親天地罔極哀痛何有窮已
 如曾偕母 恭聞萱堂大夫人壽考康強第祿無父如曾偕之母謂且三

永樂大典卷三萬二千七百

壽作朋眉壽無害不審何恙弃人間戲綵之奉而歸天上瑤池之樂聞訃
 之初悼心怛然共惟盡孝如曾子驟罹哀疾何以堪之
 有陶孟風 壽母國太夫人忽奄棄榮養覽報驚惻恭惟夫人婦德母道
 不減孟陶淑問恭儀有光國史訓迪其子為時名勝魚軒象服哀對壽觴
 謂宜衍萬有千歲之祉而契丈忽逢閏凶溫清定省一變而為擗踊哭泣
 愛敬之至何以堪之
 松貞玉潤 共惟先太夫人婦道母德松貞玉潤年近期願益封疊至方
 以為慶門盛事茲蒙書恩忽聞奄棄榮養不勝慘愴豈金玉滿堂之富貴
 尤不如瑤池珠室之優游邪
 如蕪勝仙 金生介在村落如坐井底乃不知有萱堂之戚不獲修生男
 之帛今奉尺素訃告乃始聞焉共惟夫人康健之身如蕪勝之仙何恙不
 已捨魚軒象服之榮而就西方寂滅之境邪悲想遐逝想淵騫之痛不能堪此
 雙鳳集拳 稔聞先大夫人平生賢德福祿未艾方且坐觀子弟飛騰享
 天人之樂未有窮日不謂一朝頓成萬古豈契丈得雙鳳集拳之夢而然
 邪嗚呼最憐昔日稱觴處桂茂蘭芳萱草殘人子之痛莫何以堪俟大末
 字步東風集拳後母喪

軻母斷機 某惜別雖舊聞變巨測先大夫人奄棄榮養共惟先夫人斷機如軻親意謂長壽無艾也俟其大夫五鼎而後終邪一疾不起竟以計聞嗚呼萱草奈何空綠砌蟠桃催熟宴瑶池人子之痛莫何以堪

陶母剪髮 先大夫人年齡八十坐享人間富貴豈謂朝露之晞竟為偃月之返豈以契文夢生八翅飛到天門而然邪不然瑤池之宴群仙畢集天獨不憖遺剪髮之蟠也

年齡九十 先大夫人考終大耋坐閱五世殆是仙聖中來非生死之源也世之君子稱孤於童叟中者往往皆是昆仲白首懼此大故創鉅痛深懼不克任喪制自五十六七十皆注於經終身之慕不在於號天和地之間所冀折衷從禮

水樂大典卷二萬二千七百零一

堂前戲綵 共惟先大夫人清凝瑤瑟共調不老之春涼徹銀床自愛偏長之夏人人皆謂之佛母何恙靡已堂前戲綵之歡轉而為靈前縞素之哭邪嗟乎玉佩傳聲催母宴歡蕭吹恨替人愁淵騫之痛何以自堪

陰續懷橘 欽惟壽堂稟柔順利貞之德享康寧富貴之榮理之何恙靡已素陰續懷橘之奉而從王母蟠桃之遊嗚呼堂前萱草空餘饅匣裏菱花半掩塵日居月諸何以堪處

月殿之遊 某嘗登戲綵堂見萱堂夫人意謂壽考康寧曾僖之母戴勝之仙不是過也蟠桃催熟致使花語尤未袖金而竟從月殿之遊邪 母儀天下之式 婦道世間之師 鬢剪陶闔之月 機絲孟織之霜 相夫之恭有禮 持已之儉無華 今益母之訓慈 古共姜之誓節 嘉謀壺內之相 懿行女中之師 深居林下之操 節婦傳中之賢

婦儀 共惟壽堂夫人端處北堂萱綠介無窮之壽安行南澗蘋馨躬薄采之儀將擬鳳輪大國之封忽報鶴馭神山之返哀痛奈何因極奈何共惟壽堂夫人挑燈探子剪髮延賢仁人之婦天必相之以九五之福八千之春何堪池桃熟連歸侍宴不使之見玉階之菜衣邪嗚呼讀畫周詩三百首令人思看柏舟篇諒惟純孝如穎叔不能堪處

有子領薦 共惟壽堂夫人如劉悵之母不敢自賢如康伯之母見賢不蔽陰德之壽當合洪範之數蒼天何意不使如陳恭肅之母扶輿侍蟠桃之宴陳先父竟黜黜於偃月之遊邪嗚呼旁曾裴鷄屬身不及魚軒寧不為九京之恨乎

一門盛事 去冬在壽母之旁見其庭前戲綵辟雍名績於弟兄見其暮

永樂大典

卷二二七六一

外牽疎屬範禮行於婦如是殆曾信之母當與之三壽作朋也瑤池缺侍
遠使之來鸞而去邪嗟乎女史書彤管詩人咏柏舟萱室之草空黯黯而
不章乎

湘妃彈淚 某去歲壽先夫人勝時蘭庭增玉花語軸金和氣一堂瑞靄
慈壽近聞訃告未敢為信山城入城始得其的共惟壽母夫人督運覽之
佩訓傳業之軻造物有情盡使之受五鼎之報登八重之崇內似五行何
哉雲那郁竟使之彈湘妃之淚邪嗚呼鸞鏡梨花羞缺月鳳臺萱草恨驚
霜葉結之痛何以堪之

節表散套 不及臨慰

誼同吾母 某辱在與游嘗展升堂之拜誼同吾母痛悼切至更願酌古
人溢米之典戒曾子水漿之悔以襄大事以寄門戶某不腆酒綿已具別
紙敬問台闕孝眷共惟哀痛惟均婦兒列拜慰問

係風捕影 悼念之情固未易拂然逝者已超然在人天之上若悲戀不
置則與係風捕影之流大不相遠矣敢冀尊生日廣以襄大事某不腆酒
綿已具別紙伏乞財幸

感動鄰母

契文哀毀過禮使韓康伯之母報陰投筋再隱之長母然聖

永樂大典卷二萬二千七百六十一

四

賢立制中正而止願言剛制哀情以答親之所以屬望者乃士大夫之所
祈莫禮不腆別紙浼聞伏乞財察

感動鄉社 契文哀痛過傷鄉社即報然孝經十八章固以節哀言於末
者蓋欲全其立身揚名使死之日猶生之年聖賢蓋有意願言從制少抑
哀情不勝至祝

居喪慰人喪母劄子五幅

某切以露草泣曉風稍號寒共惟 某人至孝端憂讀禮攀號方深百神
起敬孝履支福某扶力奏記申候典籤筆墨滄弊仰弓矜恕

某修詞初筮肅嚴前陳既在隱憂不敢重漬欽惟孝通幽顯誠格神明允
見於動息之間當自有休祥之應更乞聽時倍養按制節哀既大事之克
襄即奪情之有詔敢以輿論私告消人

某伏聞慶門大變先大夫夫人奄棄榮養遽報真歸仰惟某人誠孝自天報
哀盡道號奉追慕其何以堪居諸迅速已踰齋七兩間鑿臨若為感傷地
靈啓秘風水勝處佳城已闕土木勞頓良不易此某辱在契家子姪之列

聞聞驚惶長號夫聲待盡倚廬無從躬致一哀之莫遑風嗚咽不任下情
某一介無怙不自投死先君小愆調護遠棄諸孤痛泣號天追從無地伏

蒙尊謙篤叙先契親屈法從下官素悼吊死問生哀形辭色懷哉此德何日而忘扶載抵家即憑子墨馨其確謝之私燕几晴深必蒙電覽自時厥後縱縱喪居奔走山林經營宅兆凶惡姓氏不應數至防閑尊仰道德雖表痛願躋不廢也

某姓名原諱不敢借申總憐大眷之間且屬居喪不兼二事未敢致使令之請伏乞 原宥

慰人喪母三幅劄子

某伏以凄風吹葉哀厲鳴秋敬惟 某人至孝乍罹凶變神佑孝思台候孝履曼福某謹布柔劑以貢與居之間借率皇恐

某自寶祐以至改元凡十餘年每登眉壽堂見萱堂恭人中心自信謂有壽者相文自尊文化去之後賢伯仲尚小先大夫人一力主持家園富矣亦不厭不費我先大夫人之心力凡人之生受艱難者其壽必長雖自昆仲析烟之後可以坐享三五年間頃成宅世初得舍姪書報傷痛適月頗恨門下其初不便迎侍同往輩下使之覽觀勝地以慰風昔期子之願靜而思之若從初同為此行其勢必先歸大數一盡不可復執道阻且長扛拜顛顛却不高便今之所恨但以門下在外不得躬親湯藥聽臨絕之

永樂大典卷三萬二千音空

五

音使人子有終天之痛良不滿耳然人生遊宦如此者所不能免但在不忘罔極之恩所以圖報者何若孝經所謂棺槨衣衾卜其宅兆此非有巨力者所當慮某敢以為告

某皇恐拜問哀闕中外由尊及雅即日均介轉否之恭有弊邑驅使拱聽劄下

右謹具申

服中慰人喪母劄子

某伏以松聲號風運腮泣雨欽惟 某人至孝風木纏悲哀我罔極百靈矜憫孝履支持萬福某不意德門禍鍾先大夫人奄棄邑養淑德懿範照映閭閻而遽止於斯邪某頃罹荼毒不自生存每觀萱花畫水藤絳春融則為之起嘆歎羨感激淚下天不憖遺修爾朝露傷哉痛哉去秋首蒙遺我以書辭平意苦謝墨未乾其敢復以悽愴之語形諸喧曠方圖躬指吊位寓之一哀第 為一劑未容易服以出引領雪惟神竟飛去某陟此之思踰年未艾故不敢節抑之請輒進於劇痛深之初然顯揚之責萃于一身強加澆粥以從中劑豈以是為常談而弗告尚惟勉之聖廬中外四大惟均此有委用蜀以請

慰人喪祖劄子

某伏以燕衍春恨蝶惹花愁共惟 某人省元乍罹變故神相悲推孝侯
起居萬福某昨拜劄汗審知尊翁致政暫異節宣意謂無妄之災可勿藥
而喜聞訊東風乃聆燕實靈椿未霜先折可恨可嘆夫以吉德眉壽奉
借老賢伯仲磨礪遠業者鞭功名之場造物者正當假算年使之耳聽走
鈴之聲目觀拾青之業直數月以需矣青雲咫尺乃以四親具慶不得大
書鴈塔為几京恨痛當奈何某雲山礙人弗克以面叙梗塞端便附此臨
諸悃惘然未即盡簪所冀痛排無益之悲圖其遠者大者以慰平日抱孫
之望同舍之願也弊里有委伏乞 條示
時令換易聯

正月 苦雨世霖 二月 野鳥啼春 三月 蝶恨花殘

癡雲結陰 岸花泣曉 鶯啼春老

四月 梅肥泣雨 五月 荷傾淚雨 六月 莎難泄恨

麥熟悲秋 槐擁愁雲 林暑苦殘

七月 草根泣露 八月 蘆馬聲悲 九月 菊慘秋容

顛木悲風 尊釀思苦 稻垂曉淚

永樂大典卷三萬三千七百零一

十月 蛩音吟苦 仲冬 飄懸丹旆 季冬 凍雲閣淚

鴈陣樓寒 梅靚素裝 臘雪壓愁

起居換易聯 一盡孝思 百尔神相 號奉几筵 孝心昭裕

神相 神佑悲悼孝履萬福

均慶 哀問倚漢寶聚如星輯祉叢禧表衷均福

凶變 不意道義之門遽慘凶酷之變先祖考奄弃榮養聞訃之初恻惻但

曾賀壽來 某昨嘗上今祖之壽此時年

上南極老人之光燦也何意靡已獨不能需今秋蘭桂之香為終別槐柯

之夢邪嗚呼平方垂八八幻已夢三三獨不重慈孫之愴然邪 維蘇占

夢 酌兒升堂 祥開夢燕 事紀垂孤 日逢初度 天與修齡 祥

開華且 岳誕真儒 約璇正干 瑞紀長庚 律應黃鍾 星明紫極

列星應昂 嵩岳生申 坤宏紀度 星昂標祥 日吉書丑 天佑

生申

曾奏書 某昨嘗劄今祖書得蒙回劄見其
充國之康強馬伏波之老健不是過也靈椿一折宸木風號訓孫燈火之
勤轉而為哭祖風霜之慘所可望者蘭庭芬香桂籍書街祖某故不仕之
意謂趙

家狀尚可為天府之登版耳 宅頭生春 書眼如月 句橫輝愈 字
說義之 句句金玉 字字精明 句強柳骨 字硬韓筋 筆挽千鈞
句挾九鼎

判袂未久 愚嘗望會稽之山觀老人星之輝耀及登眉壽堂見其今祖
龍髯鶴相若參之九老圖中可與文潞公仙貌相似殆未可以數測也西
風吹訊泰山忽裂諸孫弦誦之聲皆轉而為哭泣號訴之聲誰謂斯人
其數亦不可及於百邪慈孫痛裂何以自堪 博大純明

端正重厚 年高德邵 貌古心所 剛方靜重 修潔精明 端厚
有容 直方不撓 望實高華 典刑秀整

白鬚紅頰 愚嘗過刻漢精舍見今祖延師訓孫嘗自吟詩曰白鬚映紅
頰羲皇向上人居無何酸風寂寂忽傳訃告以南極老人之星遽為西方
淨土之遊塔蘭設那獨不見庭椿壽秀衰情當如何邪

老望成名 愚嘗登化龍書堂見今祖磨礪事業其志不特見孫子拾青
取紫而自期尤欲兼深瀨之衣鉢少伏生之八歲多太公之二年也天不
愆遺無疾而終床頭周易竟為焚黃之悵念重可哀邪
無子 去歲先大夫厚夜愚嘗有挽歌一聯可能蘭砌無遺恨爭奈椿堂

永樂大典卷二萬二千七百零一

七

有白頭豈謂今祖遠有騎鯨而去邪嗚呼過庭而詩禮經也無聞枕上中庸
仍焉可倚獨不為孫子之痛乎

四親缺一 今祖主為天下之士死為地行之仙固無憾也有傳經之名
子又有能賦之耳孫亦無憾也所可憾者前是嚴君後是兒不見於四親
具慶之時而見於雙親未老之日為今祖之深可憾爾

學道 今祖肘傳丹篆口誦黃庭許遜難犬同升亦俟玉皇勅下也哀風
撼撼遽以訃聞嗟乎半夜寒蟬留蛻殼何年遠鶴返鄉間階庭蘭玉獨不
潛法者乎

子不修讀 今祖

造物顯相正當佑今秋

之桂籍目觀蘭孫發茂四親具慶洗刷無端之俗眼也虎榜將揭鶴駕遽
飛白袍舉子兩為吉凶通服慰與賀并喜與憂合天實為之謂之何哉

五全箕子之福 三達孟軻之尊 康寧七旬之壽 節儉一主之身
二子徐卿之亞 諸孫實氏之方 文潞公之器局 趙充國之老成
身似雲間之鶴 心如雪裏之梅

不及臨慰 某忝在葭莩之末亟欲奔走素幃修辨香之敬寓一哀之慟
禮也適以俗事絆身弗克造前謹呼墨卿諸友聊罄萬一之忱冥幣不腆

永樂大典

卷二二七六一

與之偕行告而焚之乃所願望某人而次雷此皆問

慰人喪祖母劄子

某伏以苦雨愷霽癡雲結陰共惟 某人乍離變故追慕方深神以轉否
為恭台候福壽母夫人均膺倚福之祉某通者遠聞 今祖母太孺榮厥
三全神遊五雲令祖母年高德邵體力康強鶴髮瞻瞻鸞詒翩翩子婦孫
曾扶床坐席膝與綉簾愉愉滌髓之奉綵衣藍殿績績婆娑之舞享人間
之真樂一旦以無疾而終所謂佛地中人也不知靡日何恙遂至大故然
修短有數皆以預定傷生之理况其晚之茲不敢贅某拙疾所拘莫由往
吊遠望長嘆此懷難喻

幽變換易聯 今祖母瑤女柔儀麻姑瑞相蘭庭暢茂蓀葉繁禧副并六
珈如山河而借老提封萬井衍國邑以疏榮恩慘西風遽告不起其豈非
蟠桃三結子之將終邪其豈非靈椿八千歲之將滿邪

無子可痛 前歲先夫之葬曾有挽詩一聯云倚門猶望靈車去落葉淒
風不忍看如此酸苦天益使之見蘭孫之貴也槐秋過眼桂籍垂香既不
使先夫見之於堂前之戲綵今復使令祖母見於墳前之焚黃翻思無膽
訓孫之時何其痛邪

永樂大典卷二萬三千七百零一

嘗蒙索藥

前之歲蒙索藥病即愈去之歲蒙索藥病又愈今歲嘗拜珍
字皆謂令祖母勿藥而喜某亦謂三壽作朋從史花結之疊封也夫何夜
米忽有訃音之報邪嗚呼過火可燒延壽藥有金難買返魂香雨洒蘭階
何以自堪

劉商之孝 劉商孝於祖母見於思董契丈之於祖母不減劉商造物相
之當使綵衣之戲轉而為綠衣之榮何柳神之汁未賜而麻縞之慘先見
邪可恨者此也無可恨者短繁之弃墻角尚懸桃燈之跡邪

守孀極久 有自某處哀者皆謂令祖母春介眉壽二因克家孫扶並秀
每極贊喜云胡一旦辭老萊之戲而仙遊天上真所謂擺脫便行矣嗚呼
兩茅蘭砌秀方並一節柏舟盟愈堅翻思守孀之火如之何不重子孫之
感邪

喪妻類兄弟時

慰人喪妻劄子

某伏以柳蟬號日槐翠悲風共惟 省元莊盆伊戚孔室自歌天棊敬思
尊候動止萬福某判別未久豈謂禍變不測聞政宜人遽弃百年偕老之
誓倏為五雲長往之遊切惟契丈一力詩書雖由天性且得過庭家訓之

妙然從史苦學不無裏言之助秋風扶搖路寬展斷在斯舉則修書運
報風樓人豈非 閣下素志造物小兒乃獨不容 閣政少侍遠息舉業
之風水別畫眉之處可勝痛哉然人之生死尤朝與昏逝者已矣空後連
念某欲詣素幃中辨香敬塵冗室集遂尼其行敢冀善調食鼎以遠大自
期此乃今壹九京之望亦堂上雙親之願也臨書致懇伏乞 台察
右禮具中

時令換易聯

月 日具 位 姓某 劉子

正月	梅銷宿粉	二月	梨雨滴恨	三月	鳥吟春碎
二月	桃點晨粧	三月	蕙風吹愁	四月	蝶怨花愁
三月	風竹聲悲	四月	蒲風吹恨	五月	柳蟬號日
四月	兩葉淡濕	五月	艾扇添愁	六月	槐翠悲風
五月	荷葉女裙	六月	巖花泣雨	七月	滿城風雨
六月	竹淚妃淚	七月	臥稼眠雲	八月	秋意悲悽
七月	玉龍號空	八月	寒煙悲林	九月	梅腮傳粉
八月	玉龍號空	九月	嚴霜慘物	十月	柳眼愁青
九月	玉龍號空	十月	嚴霜慘物		

永樂大典卷二萬二千七百零一

九

凶變換易套

悲撫遺套 某茲不意德風禍伏某人遠與齊眉之願諒惟仗儼義重饋
祀劫多乃今懷舉業於既往撫遺套而興悲美以堪處然死生不齊皆甯
於教門下達人太觀憂樂不足以動其心則蒙莊周之歌武侍御之悲必
能適中以自寬

乘鸞奔月 共惟闕政以表儀閣壺之賢吉蠲蘋蘩之孝訓習義方之仁
倏爾乘鸞而奔月官竟以何疾仰惟起家艱難相叶君子福祿方茂謂宜
享偕老之壽而遽嬰悼亡之戚與齊義隆在饋任重驟失良助何以堪之
夫榮子貴 不謂 台閣禍變淑人遺悅金霞游神寶月顧如夫榮奔鯨
子微名科方當席福履富貴之未艾何宰物者殄瘁至此極也婦德為室
家之則山谷於戒丘諒不勝情於此矣觀澗蘋莫助豆蓬之蔬亦付之無
可奈何

翰林鳳隻 茲不意崇閣變生中閣嗚呼望廬思其人入室想斯塵如彼
翰林鳳隻飛一朝隻山谷持諒惟寶敬情鍾歲寒阻重龍曉朗月悲懷美堪
莊周箕踞 比閨內則安人奄弃魚軒潛翳元殿郵音之來意恐是夢中
語越一日收學生安問通知親丈累雁閣間之變驚呼失聲泪落入坦殊

為賢淑惜也某切惟內則安人婦儀既應姆訓密嚴謂宜終相夫子席方
來之慶享偕老之年何忘不已遂至大故伏計厚德君子遭此逆境觀蘭
篚之僅遺嘆羨慕之非據悽愴奈何
今之女師 惻問閣下有鼓盆之戚共惟淑人孝慈柔惠之德允為今之
女師敬事尊章輔贊君子閨門昌熾中衣膝烟香拜厚夜羈旅天涯嗚呼
漁軒方適平生願鸞鏡何期此日孤伉儷之情何以自堪
詩聯換易

留下衣笥 衣笥忍聞香未減 鑑臺水別月空圓

兩子幹蠶 雖有雙珠能繼業 可憐半鏡早分輝

卒於春月 破霜梅葉難禁晚 帶雨梨花不奈春

徒見夫棠 傳聞有閨門之變息義至重追悔奈何然伉儷偕老子孫滿
前在世締中無一不如意者存歿皆可以無恨所可恨者棠姑登第新
剪絲羅蘭砌傳家遠披麻服能同短髮之辛勤而不同長髮之珠翠耳
自喪其妻 頓凋不吞魚軒飛慙佩環之歷風燭須臾帝園慶門違奪賢
儼變故不測何痛如之某方深舉素之悲莫吊漆園之吏嗚呼只愁分歲
屠酥酒不見雙蛾共飲時伉儷之情兩何以堪

永樂大典卷二萬二千五百三十一

十

事姑之勤 有自成康之鄉而來遠謂閨政有衆鸞而去某聞之且疑且
信未幾間冷風吹信果以計聞有知閨政桃臉新勻享王母蟠桃之樂柳
眉濃畫擅謝姜冰柳之工竟以何疾而弃世邪嗚呼事姑中樞依然在不
見難鳴與激人况某在表弟之列其情尤其慘邪

能容小妻 閨政宜人人謂女相如我謂女侍中金菊持觴尤見其勇天
上麒麟也果何疾而庭前遠休梅花之白邪嗚呼列屋能容花解語超庭
但欲桂成叢棠姑之情何以自堪

養螟蛉子 婦順不嫌姑老病 母慈寧計子親疎

劉氏淑女 共惟閨政孺人 意謂享夫榮張敬之畫

眉得子膚韋賢之絲綵豈期朝露竟以夜遊諒惟伉儷義重饋祀劫多乃
今撫新斷之孤覽孤鸞之鏡情其堪處 沛宮貴冑 天祿名姬 風高
林下 雪味空中 名家淑女 當代良姬 心地平夷 性天柔淑

長自名門 歸于令族

產子而卒 去臘某家人之責成歸妹之歡此時玳席鋪陳瑤仙翠華獨
闌政激灑魚軒之飾輝煌鸞鏡之妝竟以何疾遽奔偃月嗚呼生風來丹
穴騎鯨上玉都棠姑之痛將何以堪

結髮齊眉共共作 聞政宜人九驅滋容丹砂入骨自合享長生不老之
春遂結髮之因緣構畫眉之嫵媚也誰知一疾不起結髮轉而為斷髮畫
眉遂與於齊眉梁鴻之痛情何以堪

釵髮遺悲 古之稱賢淑者如梁鴻之妻勤儉自將如王獻之婦才學自
任間政恭人一身兼之誰謂龍蛇歲惡一疾不旋起邪嗚呼痛乎荆釵為
秋風之涕泣柳絮助寒雨之辛酸者乎諒鼓盆之歌不自知其苦也

絃琴遠斷 昔李禪居以白蝙蝠遠庭飛而妻卒間下邊夫賢助亦豈一
出之作茶邪嗚呼絃琴遠斷難尋可謂之聲匣鏡既分安有再圓之彩諒
枕上之情無以自釋

慰兄弟凶變換易
養疾城邪 不圖凶變遽鍾德威令弟某人溘先朝露聞訃之日方食夫
已初聞養疾城邪私謂小小淫末之疾不久當有瘳豈意騎鯨一去弃世如
遺曾未閱月夫此良友可為於悵也已矧閣下以手足之誼鵠原之變方
切於中其將何以高懷

哲人萎矣 此者昆玉到邑怡怡愉愉華萼相輝令弟臨別猶諄諄然以
功名為語誰謂壽之不下某日某人由仙里而來倏以訃告聞之驚但述

水樂大典卷之萬字音空

十一

惟曩者棲丘之時把臂捉膝如令弟亦古君子之交哲人萎矣誰與論心
言之至此不覺傾涕如雨天倫之情其何以堪

羽翼一折 不意某人以鼎盛之春秋遽弃人間世甘從赤松遊何其忍
邪惡風西來吹以凶訃聞之良切悽哽想惟執事手足情鍾友愛素寫下
有鵠原之感適虧羽翼之全傷悼之情何以自遣

才豐齡壽 茲不圖慶門變啓令兄弟以強仕之年身衡折軸悲風雨
來殊深悵快切惟令兄學優而仕將以廉勤當路刮目方當羅致而推執
之歡聞黃扉謂宜達到天胡不仁乃財之豐而齡之耆謂之何哉欽想執
事在原義重觸緒悲生羽翼乍調肝膈如割痛當奈何

風雨連床 禍變靡測至于大故聞者與傷矧閣下以手足同氣之親動
風雨連床之想能無隱乎然靜觀造物之變直者生仁者壽每每獨於賢
士大夫而想者何哉豈瑾京玉樓真有取於若人記之邪不然長於才善
於文者天豈不欲福之也抑命有數焉君子不謂屈也

均氣同體 平日切慕慶門伯仲瑱瑒厲序整整非人所及殊以為喜茲
馬不虞令弟某人偶爾違俗意謂無妄得之旋可勿藥彼蒼者天何其速
於玉樓之記而傷若之手足邪諒閣下懷均氣同體之義悲慟慘感其將

永樂大典

卷二二七六一

莫堪

義同管衛 共惟令弟省元當春秋鼎盛之時負邁往絕人之器揮聯
萼秀出蘭芽方足為伯仲慶一夕長往天何慘哉緬惟執事義同管衛情
鍾手足鴻鴈成列而離其序脊鶴飛鳴而失其群平日友于之意一變而
為悲悼何以堪之

顧影惟隻 切惟雪伯霜仲 萼相輝墳麓叶奏杯酒必同酌步武必聯
鑣愧死閻壻矜臂者多矣人莫不指為瑞世之珍造物何為不仁僉辭傷
歎遽促仙遊西風厲行顧影惟隻想必有大不堪者

為行失序 不圖德門禍變至於斯極令弟遠尔長遊聞計不勝哀但有
如今弟文章倒三峽之瀾筆力挽千鈞之勢得扶上羊角赤手拔鯨牙近
布朝夕方當勅為吳山問柳西湖之始乃奄地為黃梁之夢值行記白玉
之樓閣者莫不酸楚况某託在親盟之末耶目斷文江助為颯風而噴淚
諒惟鴈行失助手足乍聯此情何以堪此

蘇堤問柳 某秋闈令弟試妙齡新然卓詭絕出揮五色筆掃千人軍
與寒士一戰而霸姓字方將武林問津坡老堤邊詢柳神染絲之濃淡青
水童子奉玉皇之初而作玉樓之記不使親身鸞殿韶瑤脫靴貴人捧規

永樂大典卷二萬二千七百零一

十三

老蒼何如是之奪羗邪嗚呼破約子由同聽兩帝思長吉速歸天手足之
痛莫何以堪

鴻鴈失群 令兄負斐騰英茂之望蘊光明俊偉之才掉鞅華塗跬步雲
漢竟以何疾卷燕公子之手而行替長吉之瓜戍邪嗚呼夫妻鏡裏鸞分
影兄弟行中鴈失群在原之痛將何辭以釋其意邪

陰德缺報 某半生尊令弟之德善美不一而足然庶之一字為最著自
合享廣成子之壽以受陰德之報何堪京促召玉床之風雨方新玉樓之
高層聳就遂使鶴原分翼鴈序失群可勝痛哉

露殞荆花 載惟令兄適丁妙年時方秀發意謂聯芳花萼迭奏墳麓胡
為一旦風摧棠 露殞荆花池塘夫得句之人風雨辜對床之語想手足
失助呼天嗚咽此情殆不能以一朝居也

上任未久 仰惟令兄以鼎盛春秋擢取科第方發朝簿書先聲便預意
者梅梢春信首露調羹金鼎預有消息以大藍田舊家之聲豈謂孔席未
溫墨突未點耶一夢竟喚不醒蒼天夫何使之此極

慰長叔伯 由變換易 抱中郎厄 今叔致政耆德宿望鄉曲典刑而遽止於是邪道路往來聞

者嗟惜矧方器仲容之質指切度之畧績劉阮不傳之燈以亨特也
以濟道否天胡不使慰平昔之望而使執事抱中郎之感交游慨嘆不獨為一
鄉惜而亦重為天下惜也

兄死未久 某契闊幾時悲歡兩處昨日厲行驚序鵠原折羽某聞之已
切傷悼亟欲上狀慰唁而未果亦曰否極即泰禍倚於福此人事之所占
而天理之所必至也居無何有客來自錦里遠又以今伯致政計告

賀繼以弔 今伯學士懷材抱藝綽著鄉評比自旅邸獲拜荆州聲色粹
溫畧無凝滯夫何別去未久遽何微病而有幽明之隔嗚呼朝方聞道夕
死矣賀未離門吊踵之猶子之痛莫何以自釋邪

為呂誨代 有如今伯風鬢露頰恬養素充松檉身期願未老造物者
何遽奪之邪得非天上樓成邪有長吉也得非地下修文邪有卜夏之妻
想呂誨為上帝司糾直欲令伯為之瓜戾耳嗚呼平生讀盡經和史留與
玉皇別奏問猶子之情不能自釋

哭姪 前之日與門下握手階庭之蘭尤青也忽聞摧折豈以安石之恭
未終而謝元遠作爛柯之夢邪思昔曩時吐哺之恩諒重為部鑿之痛也
雖然痛則痛矣昌黎之哭老成亦自有節

永樂大典卷三萬字音空

慰賢嗣散套 今似當春秋鼎盛之時負邁優絕人之器貴名日起士友

推表倭焉蚤世竟以何恙仰惟階庭驟嬰此蘭摧玉折之戚父子天性何
以堪之 今似客裏何恙奄忽不淑聞之驚吁潸然淚落雖未從阿戎談
而辱在與游之後已覺悲不自制而况父子之情眼看白玉埋黃壤乎

今似以天上玉麟之姿方當氣飲食牛之秋已自俊楚如此等而上之必
可達到奈何孔釋之抱送未幾而顏冉之切期已遠前日之喜適以重今
日之悲邪 今似以岐嶷之資遠萊庭之戲聞計之初拊膺驚悼不覺淚

流顧惟門下素鍾猗積之愛乍惟悲挽何以為情 伏自今似宣教計音
之傳某側聞士大夫論皆謂宜有遠到夫何遽止於斯 今似以春秋之
歲年慕玉樓之長往膝邊動念其何以堪

將嫁之女 漢張芒之女名麗英吳王芮欲聘之其女乘紫雲升天而謂
芮曰我乃金星之精今貴人問世忽忽游仙得非金星之精不欲人聘邪
即宣散套亦名開釋

慰妻 雖然人之不能逃者數也心之所當悟者理也况士大夫仕止時
之泰否嗣焉長才如公民望攸屬倘不為廟朝加重而過於戚可乎哉
然合者數也睽者亦數也執事惟無以情處而姑以理處斯可矣 然易

敢者彩雲難全者玉年某求有以相釋者若曰以情從禮以哀從節舍是
不知所以告下執事 然命於兩間而為人東土西段尤畫必夜剔蘭孫
桂子芬馥滿庭洪範五福一無所欠何憾之有此蒙莊所以歛泣涕之流
而為鼓盆之歌也 然劬去矣追悼何及惟當勉親庭以戲絲之歡易鼓
盆之戚

慰兄弟 切慮手足義重桃什季悲然而有生必有死萬古一理允望剛
制哀情以禮自遣勿過為悼痛以保重不背之 然死生若晝夜之有經
聚散若雲烟之無定但以理自遣况悼亡又不若邱孤也 然死生猶轉
燭之輕聖賢每以節哀為重親家必先得我心之同然初不待某之喋喋也
慰子姪 仰惟階庭驟嬰此蘭摧玉折之戚父子天性何以堪之然彭殤
有數參夏有戒回經有典妙學卓識素所知者必能考履先王之典以節
至愛之情 然彭殤一理椿菌一數達人大觀一付之天而已戚戚本無
益也 聞有哭子之戚天性所鍾悲惋不已然子夏喪明見譏聖門惟當
恢達人之觀勿留厚次乃所望於門下
不及臨慰散套 某微契綿深未由即造素悞憶言問之忱致開釋之請
一箋坦然願言寬抱劫盛養馮益昌遠業此先盡安人九原之意抑蘭玉

永樂大典卷二萬三千七百零一

古

哀哀之望某愛助敢告 某為門下車魚之客舊矣誼當躬造總惟申辨
香敬齋館匏繫如因鹽車遂成缺典 某無福不得更惜亡首數年之厄
也亟欲進見為撫作之痛其奈歲無多日戶門事繁茲辦小齋聊為供獻
之助且乞叱留正旦首當詣樞前焚告以盡哀敬 屬緣山居其病也不
即問其亡也不即弔負罪何已禮合躬詣申一奠之敬屬有監視公役遂
祭其行已今舍弔候慰謹飭泓顯數此衷曲未會願言惠序尊主以昌遠
業 某禮宜匍匐致唁忱負新阻疾執事增哀尚容致越人之吊未聞
敢以順變為請 某辱在肺腑誼合即趨素帶申致唁恭屬以坐隻身於
百兄之棘左掣右絆未符此心亟遣子墨先之未見敢乞抑情寬抱辱自
金玉以為遠者大者之圖某臨楮敬祝 某忝在姻版誼合詣靈惟申辨
香敬一領懸絕心與願違佳城何期即當執紼以送靈輻伏乞丙在
謝慰類

謝慰父母劄子

某伏以草茅黃蠟即眼青歸共惟 某人經史余聞神祇森危台候動止
萬福某罪逆深重歲末一周遽失怙恃向荷義薄雲天遠賜臨慰豐儀聘
奠鼎鼎充前哀段帛存兩踰龍渥整室街荷雖荒迷中弗替第窮居茹素

之具款延其慚也又游于感矣卒來日五欲率弟輩趨謝實以祇奉靈几
弗容避去况是跡不祥豈容躡迹慶無用是敢熏板亦蘭代控萬一之個
顛倒失次仰弓矜體某姓名凶惡不敢上貢親闕尊切起居之間倘有委
來願聞

謝慰喪父四六劄子

某酌今月蒲塔夏雲參登秋共惟 省元氣涵天粹材應時需列神李異
贊之休尊候集簡穰之福某密依錦里獲締姻盟煥達星鳳之占屢閱霜
鴻之至雖寒暄等語未嘗至孟几之前然企仰寸忱每若在普巖之側思
而及此亦已憮然頃嘗冀歲之冬遠送先君之禍乃辱親慈之眷念且承
命焉之慰臨辱親來孝聞責飾慰生帛死荷意彌深感德佩恩閱日滋
久未敢詣賓壻而謂謝謹先憑子墨以寫誠仰冀高明俯賜融亮 某人
稱于道山列眷 某人太孺泊園苑群仙某未由參晤弟切尊瞻所冀
加陶和毓粹之功予以副啓後光前之祝有錫喻者願索言之

謝慰喪母劄子

某伏以天涼剝棗風冷思尊恭惟 某人燕處怡然鴻休萃只尊候動止
萬福某罪深惡極不自殞滅禍延先妣當此天摧地陷之時一線余息幾

永樂大典卷三萬五百六十一

十五

斷幾續衰半痛我夫三日而成服禮也某禍變猝至先妣告終善善十旬
始免以線經天莫不孝不敬負罪名敢伏蒙台慈特在真禮唁辭奠禮所
以矜軫存殁者恩意稠重某茹痛銜哀正此荒昧本不敢以書尺為恭滴
血手筆復敬先施心緒亂絲紙筆縱橫茲謝也祇其所以為謹歟某例
尋源問列拜謝忱無起居制中不敢請委仰祈 台丙

謝慰喪祖母劄子

某伏以小春綻梅清霜染橘共惟 某人燕居優裕翼相森羅台候動止
萬福某向者特沐高軒賁臨寒門增耀恨無金鼎味可獻玉堂人大人方
圖剪履以露謝忱萬一不謂先祖遽尔奄弃荒途中竟成廢禮執事不事
督過乃獲寵觀矧誨慰唁諄諄自非崇篤宗盟曷克至此豈一感而足也
大人不敢僭拜中消之教令某代中起居婦兒以下併列致即日問禮或
有委役於山中敢不拱聽行下

謝慰喪祖母劄子

某伏以金神按節玉宇生涼共惟 某人圖史春容靈祇拱翼台候動止
萬福某伏自屢表一遠鴻賓雨見清風滿院渴想故人明月異鄉空勞飛
夢涼淑有稽於貢問晨夕常若於黃芒所賴昭融必賜原宥某命與仇謀

永樂大典

卷二二七六一

未堪多難哭先子之淚未乾而哭祖妣之聲復響兩年遭此凶變悼痛與
嗟司造化者何忍乎至此極邪仰蒙尊慈特賜於側皆福下界無非開釋
之辭兼辱齋儀非荷眷隆嗜克至此祇受不勝哀感之至某屬在孫孀養
迷罔知未克端拜附福尚容卒哭日專狀控布伏蒙 台諭舉掛之期尚
在此月某日敢不申 稟仰冀 矜照
右謹具申

閏月時令

正月	歲肇三微	二月	仲春紀閏	三月	三春告抄
月添一閏	積雨留寒	一閏歸餘			
四月	月琯歸閏	五月	維夏之中	六月	月臨三伏
風弦奏薰	正時以閏	斗指兩辰			
七月	三秋肇序	八月	素商登平	九月	月臨閏位
一閏正時	清曆紀閏	十月	清曆紀閏	十月	斗指兩辰
三冬肇序	仲冬	十一月	天關子正	十一月	斗指兩辰
一閏歸餘	斗指兩辰	十二月	季冬	十二月	歲華殿晚
					月齋歸餘

永樂大典卷二二七六一

十六

起居神相換易 燕處大中 神相旁午 里衍優游 裕思扶衛 威
德在躬 靈樞參翼 闕館燕頤 靈修翼贊
叙別散套 一自長亭揀袂之後不知幾更月喬夢寐清標無由合并淵
明之賦停雲杜陵之憶春樹念君之切裝與二君子神交於千載之下也
遊問龍章屢馳駒影參辰不相比區區之忱每於北斗光中仰轉而已
伏自江頭話別之後兼城滿流遠更寒暑握蘭思君子動竹疑故人耿
耿懷抱晨夕如之 自簷前索笑之時此梅花破白之候也今西風吹雪
乃蘆花飛白之景矣一歡一悲僅周歲爾洒淚剝封不覺潸然已上眉重
長不可用

謝人臨慰

謝人慰父母散套 惟重長不可月時令叙別
卒哭中謝 某稔寡之深天不假宥福延某人百身莫贖肝糜肝裂傷痛
奈何罔極奈何難斯方殷適辱來慰終慕增榮哀感詎易究自後拘制理
紛弗克言謝諒蒙原照近更卒哭念欲赴請少叙此誠恐勞延降遂此不
果謹憑天緒以布區區伏冀尊亮
杖淚撫膺 不孝之罪上徹于天禍不及身而及某人罰之酷矣靡所號

許乃承恩庇下憶几筵奠薦之禮茶局吊傷之意備至非駕親詣詎易至此寸心悲感旦夕靡忘念圖造請以展謝忱謹杖淚撫膺虔修寸劄恭謝恩帛之塵

存殁受庇 罪逆深重覆載不容降之酷罰不自殞滅驟失所怙攀號辨踊無所逮及衷肝糜潰無望生全仰蒙熏仁冒暑淑修存賜臨顧累日踰旬光駐都騎金玉海言以慰其孤宜幣經薦以貢其殁多品賄儀以助其從親誼如許哀感之至惟切下情于時乍帶荼毒荒迷失措至不能盡款延之禮別不能申推謝之恭迨今思之又重不滿茲託大庇苟延視息奄踰卒哭禮合躬造屏著跪謝伏乞台察

全幅格式 某稽顙再拜申稟 某人某斬馬表經之中不果事雖涼藥關彝敬首祈台恕某乃者受天降罰先君傾逝未由號訴先辱臨慰吊往矜存契誼彌篤無任哀感卒哭後禮宜躬造賓輝申叙謝悃屬以道阻且修不容久離几筵坐是行或尼之書首不敏亦墮魯辜負罪何追所恃置以度外辱賜涵貸並到此楮又愧厓畧并祈台察

罪罰深重登聞于天不自殞滅禍及某人舉慕號絕百身莫贖乃辱台念親舉玉趾三酌奠靈禮意屢映自非親愛詎易臻此云云

水滸傳卷之三萬三千七百六十一

十七

姓名凶惡 天降酷罰不在其身而上延所怙肝摧腦裂所欠一死乃辱眷存慰語盈幅潸淚讀情文俱至豈惟施及未亡抑使九京之下俱有光焉某姓名凶惡不敢上貢親闕起居之間某居制未敢致使令之請伏乞原宥

居喪不二 某命蹇數終變生不料某人一旦倏返泉關由不孝之負愆願何從而赴愬門下貽書慰唁荷意勤渠茹悲礪楚信筆占報簡脫原原猶幸財糧某荒送中未敢借蹀申問潭府列仙之起居某居喪不二事又不敢辭次効奔走之役伏乞賜答

苟存視息 茲者罪業盈貫身不自死延禍先子含哀茹苦惟知有死豈望更生閣下梯戀未忘遠貽現茶旨吊得復誨我以傷生之戒迪我以定數之言由是得以苟存視息皆賜之及天制初終禮合徑造丈席少叙謝私病不免前邇風第增墮涕用敢重被楮藤代控萬一之悃顛倒夫次仰乞矜體

不移白字 某松門禍蒙鍾及先子極水今似寵臨持勝慰撫迨夫婦室日復承馳驚于道中在某愈重不孝之罪念欲造門屏敬叙謝忱而百死鮮身竟莫能進謹裁短劄以代面敷伏冀親仁特垂矜矜 仰荷足下為

姻親之義由歸撫存几建之奉且承臨慰既而奉表就緒重辱奔走于道
深恩德阻重厚如許使人愈增感泣 仰荷仁慈備賜言問甚旬旬聖室
日月被飛迨今遷延弗及指謝缺典之罪其何以逃 極承發使弔問持
在諸公之先而所以顧恤之意尤厚此蓋仁人君子樂於以禮長育而成
就之顧在私心宜何以報 親酒寶翰不遠數十里而弔死問生每一跪
誦感極而慟 乃沐撫馮貽賜言幅致淚剝封備認眷愛使殞者增隆存
者悲感控謝之私病不克前惟有哭泣而已

青壤弄人 先子自夏徂秋忽然抱病療治百端日以憂懼不果奉記室
間一舉大變遂為青壤間弄人坐是益踈左右惘然殘生倚廬卧病思念
門墻無任隕涕辱書慰存甚厚然未能一割也弔客紛遶上狀不詳百千
謝忱姑容續列

亦是一格 某泣血言罪重業深死有餘護天假殘息移禍訓庭創巨冤
疏殞首何贖日月飛馳倏經卒哭神色荒越百酸攪腸伏蒙仁私達垂慰
贖深體至意倍激哀誠謹扶刀具狀以告迷塞不次伏乞矜察
謝慰妻散套

孤遺滿眼 某茲者私門不天貽禍荆室纏綿一疾竟以不起孤遺滿眼

木集與卷三萬字言本一

十八

其將曠依違及念此惟切寒心迺辱親仁貽賜言幅情文周密發良多
佩服眷隆何可云喻正坐憂鬱治報弗端伏乞台察

杖淚沾履 某比年厄於黃楊之運釋母喪服纔及朞月而鼓盆之禍荐
至悲慙政不自勝執事矜憐獨無避心委心官問禮意渠渠發函伸紙不
覺涕泗之交頤謹杖淚沾履來况憂患之餘行墨顛倒伏乞恤照

不受需助 某賦累多故禍延拙妻遠尔傾逝過承慰問之速啓緘三復
宛如見面第以某物之饋我實不敢拜賜况以近喪之故凡朋友需助之
至例不敢受倘於門下獨受而不辭則獲譴於親朋者多矣价旋敬勒斯
楮申謝伏冀 台察

謝慰兄弟散套

弱翼摧折 某私門薄佑禍延令弟錫原之義已虧手足之親未助天之
降割如此其慘遂使弱翼生全一旦摧折雖掛長江為浪莫罄哀涼廼蒙
眷誼天如雲錦吹落弔生傷死靡所不至主僕之餘愈增悲感排悶作報
不謹諒必矜恕

露襯來歸 禍鍾竭舍變起錫原季弟委推乃心如割矧惟易書邇在異
鄉繫露襯之來歸尤天倫之至慘仰蒙親文崇篤姻誼曲賜存憐既念我

永樂大典

卷三二七六一

以傷但之思復吮我以寬釋之理槩槩慰撫極情文感激于中何嘗可已
俯仰交囊 謂馬數奇遭家多難長弟驟嬰奇疾百試罔功竟成長夜四
十九年兄弟之情為千萬古死生之訣天子何罪遽至於斯白髮之親哀
表天子垂髮之推呱呱夫估俯仰之責一向相叢如此逆境尤不易堪相
望阻修無從泣懇乃蒙宣慈遠貽唁幅撫悼俱至悲感何窮
謝慰子姪散套

豐庀俊異 運蹇之人福輕於羽幼子抱疾數月秋療百端竟至天化連
惟此子頗覺豐庀俊爽所期他日或可起家六載恩勤一旦空虛紙積之
悲興不能堪親誼不見遠持為撫問勸渠養爾襟膺豈空銘刻之地唯是
歲裏碎事如髮剪後占謝未免曾人之辜以情炤之則幸 星運乘微天
不子祐舍姪以微恙奄忽弃世辛勤教養一旦成空與念及此心焉盡傷
乃辱台緘賜慰問 自非誼隆豈易錄此 泣誦一
再 開釋惟周 涕零感極 不可窮已 種德關心 大類刻舟 也
賽異常 惡况總集 危坐獨思 百感交集 人非木石 豈無悲傷
縱不為念 對景莫堪 朝夕暮念 實勞我心 悲愴哀悼 無地寄情
兄弟 手足隳墮 悲悼莫堪 情鍾友愛 傷痛莫堪 對床義重

木業人與卷三萬字言空

十九

悲愴何窮

妻嫂 仇儼情重 痛裂五情 慕念號苦 觸物增愴 哀摧感塞

苦痛莫勝

不敢問替換易套主夫 某仰企蓬萊五雲之表是為崇闕玉眷某居制
不敢申問恐犯清嚴 某仰鈞庭列仙容與璇霄之上履此芳辰鼎來洪
杜某制中不敢申敬 某姓名不祥人所鄙思何敢僭躐申燕杜蟬聯之間
請委換易套 某祇奉几筵無能為役不敢具文以請尚祈台炤 某制
拘不敢事不情之語以拜委訓之請仰祈台丙
喪紀門 弔慰類

五提頭慰劄

一伏以維時孟春共惟 某官孝感神明陰有仗相體力支持台候動止
萬福某遠康康猶未涯參觀謹布記承候下執事
二某切惟先某官道德文章海內宗仰又有賢嗣大名遠業光紹家世議者
謂積善之報當見慶門父子同升禁近萬鍾五鼎列于家庭孰謂天不愆
遺先德騎箕而去識與不識同與殄瘁之悲况惟 純孝罹此鉅痛何以
處 某區區之私切謂哀毀過制非聖人中道而揚名顯親乃人子之終

永樂大典

卷二二七六一

孝顧少節抑無損天和下情孝孝至和

三某違違門庭間時浸火向况之悚靡有間斷中間嘗一拜記白後控德不獲嗣敬必蒙照亮先提舉易節入闕方託有道之庇遽失依賴此情痛悼不可勝言比嘗至馳慰唁併寓一表之情致莫草草恨不如儀方此悽悽迺蒙親酒教翰系幅勸榮三復足誌撫養之厚德緒裁謝不究際悃尚幸 財祭

四某伏承春間扶護靈輻運仙里神明陰護道途無虞此皆純孝所感想無遺感隔見營喪奉墓已卜吉壤否深恨官次拘綴不獲躬執紼之役或有可委便次敢 請

五北堂太夫人即日共惟 尊履安寧編作 台眷伏想 中外軍謫荆婦而下並拜 起居

右謹具 呈 月 日 具 位 姓 某 劉子

懸趙先生書方壘山

某甲申初夏擁篲老師之門邂逅于塗得款言笑別來五見佳落雖短策時登屢庭乃不得專候候與千里一心且愧且

永樂大典卷二萬字七百六十一

二十

仰某不圖禍變倏與章來先生蟬蛻縑屋鯨遊君落計傳遠邇誰不涕洟昆仲至孝根心遠最酷烈何可堪勝先生海濱大老林下一人方以勁節清風砥礪頹俗高文大丹表倡儒林雖年近期願難壽天數然願侔童孺見號地仙朝家援漢故實歸申公之命商皓之車俾南山之基益隆東序之言可乞夫何厭人間世遂乃與造物遊閭首竹之一軒訣泉扉於千古嗚呼痛哉斯文不振吾道曠依最是臨終之時附醫屏藥却粒飲泉猶不忘故人拘施清現凝神不亂之意雖曾子之啓手足淵明之自祖祭無以過此誠身之學生死以之天下識與不識益深嘆仰佳城已得吉卜否化鶴吊門賦牛報穴宜有陰相而默助某兄弟朋友甚念相率一慟素悼窮居毒事牽制率墮因循抱愧何極祖載消剛尚幸垂報湯茶香燭所寓生身一束之義兩持莫盡夙節姑以相高遜之欺辱與昭白幸甚

右謹具 呈 月 日 位 姓 某 劉子

藝術門 薦托類

薦導撰易小別

某思濟思具俾月台聽不敢專東入

薦人撫琴 建安郡君以詩來訪撰述論文又且深得絲桐之雅操非知音莫能聽之是用進和聞人切幸與進

薦人下茶 浙間茶人手談高妙近偶至此且有湖湘之行借進錦里有數冊局面投獻得蒙降納尤有它長非尋常茶客也

薦引書生 吾友積勤事業編纂必多筆吏某人借易薦進或可以備勝寫之需

薦人傳神 嘗觀開元傳信記有吳道玄傳神記容如歡笑言今有某人得道玄之筆法士大夫喜之今得 台屏以聽筆策

薦人燒墨 新安墨士莫其姓者以友人薦書來訪觀其取煤品膠用藥揉劑與眾迥別 門下文房寫好可不進見以備使令

薦人醫藥 近聆 貴體微爽賢調有某人者明於診視藥術如神特為推薦進之退之惟命是聽

伏幸 照亮

右禮具 呈

某人 揖

回答

某人 拜覆

永樂大典卷三萬三千七百五十一

主

某火缺承教政切馳情入事

答薦撫琴 邵文琴琴來訪敢不青眼即今舍弟館殺之矣當別紛詳慮少聽清聲幸乞軒過同為半日之款

答薦下茶 某士相過留此經月紋楸圓玉時對一秤亦真樂也所惠茶勢嫩惡半之不敢有辜 門下之感意薄調行囊喜形于色

答薦書生 書齋抄錄政苦無人伏承 鷄戒欣謝之甚即令人齋編寫矣想其人淳確可無它虞

答薦畫士 忽承某人扶高藝携 薦絨來訪足仍不鄙如某者神鈍而容老何足勞大手刻畫然盛意所臨當糾親舊以酬之

答薦墨士 某君以誨緘呈出示所製香煤清馨光黑果異常派恐無品用未必製造聽其所售悉為收之既出鼎言當禮款而津送

答薦醫士 承薦至名醫深為病軀之幸即免調理若獲痊安更生之賜感當何如

冗敷謝愧不如儀切乞矜體

右謹具 呈

某人 揖

某人 拜覆

薦導術藝小別

某不敢專讀首祈冰炤輒有瑣累入事

薦人地仙 聞先大夫未安宅宜卜佳城贛川某人家傳真術得淳風之龍法明邪璞之囊經縉紳之家多信用之薦詣塔堦以奉要束

薦人命相 浙中某人明人倫之奧旨究星數之精微見識甚高談論可取有如足下功名不日試以前程決之

薦人竹匠 里中某人精於竹工籠箬箱筍皆其所長且言使宅有少工夫願備使令之列亦不敢必可否拱聽 指麾

薦人木匠 茲聆鼎新甲第尚未完命工匠有某人世業執斲得繩墨三昧借易薦至皆殫思可以奉役使

薦人銀匠 昨承約束以呼銀匠見囑茲有三山某人寓鄰居製作厥藝甚精堪備一驅役如用之即為遣至

薦人針匠 今有城中針匠徐其姓者善於細袖僅有可觀而衣服裁制尤為貼體未審足下用之否速進一聽處分

伏乞照亮
石僅具 呈

永樂大典卷三萬三千七百六十一

十一

某人稱寸

姓 某 拜稟

回答

某正傾斗仰之忱忽拜雲緘之規跪伏啓誦深感眷存入事

答薦地理 某倚廬則病欲棄大事宅兆之吉未卜茶茹之苦方增晨夕憂思莫知為計地仙薦至存殁感恩

答薦命相 某夤頭鼠目命蹇數奇為造物所戲政不能自曉高士寵臨一見而談論風生再見而憂疑冰釋然相期以遠者大者吾未之言

答薦竹匠 承遣至竹匠家問適有些少工夫足下推揚必其妙手悉以付之吾希知至

答薦木匠 某妻與土木之工規免震凌之患承推良匠正副鄙懷願俟其至當以郡繩任之

答薦銀匠 曩以呼匠為執事之流果蒙介念特辱惠緘但所製盤盞務在精巧諱月眼主盟必不誤也

答薦針匠 縫人之薦荷愛良深第些少粗木已令某人裁剪矣然又不可虛辱鼎言亦望遣至別有以處之
章弓 台察

右謹具 呈

某人稱丁

呼薦藝術小別

某嗣梅甚久 啓仰良勤有少愚衷冒瀆神用入事

託請書生 槐黃在日丹桂驚心欲抄寫時務兩冊敢乞訪問得稍吾輩者尤佳此又不以彛禮待之也

託請畫工 比嘗小閣行遂畢工擬欲少佳藻繪間珂里有丹青妙手煩薦一人勿外是幸

託請醫士 久苦沉痾未能痊愈仙里必有醫之良者敢煩津遣得遂更生皆君之賜

託請地仙 鄙意欲就溪南宗數椽為游息之地實里有善以陰陽為家者敢乞指導此來早欲求一定向

託呼銀匠 息女非久大歸敢乞鼎言呼一巧匠造少酒器香爐之屬所製不多未知其肯來否全藉感重

勿勿幸 恕不謹

右謹具 呈

水樂夫與卷二萬五千六百五

二十三

某人稱丁

月 日

某 拜復

回答

某政懷山斗俄拜緘藤入事

答請書生 契友留心事業着意編摩承前備書某人者老成善札今歲不曾處館容且夕扣之使見

答請畫工 柴閣落成未及一觀輪奐盡人之喻有某人者山水得摩話精微花木有趙昌家數款遣詣前以聽驅策

答請醫士 近聞體履憇和念欲候問恐勞清重不敢以前承前醫工有某人醫學甚長用藥平穩舊嘗識之敬遣緘約其來也

答請地仙 倪文昌云陰地好不知心地好足下天官素善靈府坦夷言人凶其吉尚何俟乎魁釋令承來俞以某人候見幸察

答呼銀匠 切承閱秀擬封行有乘龍之喜伏蒙門下以銀匠見委今有城居某人奇巧銀鏤一任指使尚須旬日方得候參

敬此以復下執 右謹具 呈

某人稱丁

月 日 某

申復

永樂大典

卷三二七六一

干米門 楊見類

旅次干米劄子新式

某起敬恭北丈矣拜荆未遂慕養拳拳俱易某雖從治財體合未克乃蒙
朝廷仁願仰賜恩幸而元撥時時令共作稅政優假有神介扶台候動止
萬福某備漬崇聽

旅中干稅官 歸自天庠些少行李雖無可稅者欲乞旨慶津吏即與放
行得不滿滯至感至幸

某書見稅官 擬訪親於武林行李雖無貨物常山例有遮阻而稅官與
門下有舊得賜一緘勇往見之得無滯滯為幸

旅中干在船 賊迹欲謀水道之某處欲乞台旨差雇一小船須得慣事
篙師庶水路可無虞也假直即不敢吞

旅中干在脚 賤累稍蒙負荷之人欲干借脚夫數名送至某處切告薰
蕙特賜矜允

發回脚致謝 昨以脚夫干漬極荷周旋已次某禮用發回凌遠不敢伏
獨恐勞降重

換易 餘還面達以謝通月勤此叙謝莫既萬一發回脚用

永樂大典卷三二七六一

三

仰祈 台察

右謹具 呈

某人 稱干

月 日具 位姓 某 劄子

回答

某稔服英聲累日如粟每以未及彼親為憐歎蒙台翰換易通承在賴足
仰換賜顧獨行利張進延降故感仄感外方城共審就辰時今行禮在
道格思護持台候動止萬福某

答旅中干稅官 伏承 尊翁良荷 不彼即戒津吏 放行矣
答求書見稅官 聞有省親之役是可喜事常山稅官之書敢不效力一
見即解維矣 行李必無阻滯之憂

答旅中干在船 雇舟之喻敢不如 戒已差人前去排備矣尚須解纜
即得 面達

答旅中干在脚 下喻夫脚極荷 不外少刻即如 命遣呈拱聽 約某
答發回脚致謝 伏承台喻脚夫已令和雇遣前伏幸 台悉定有委令

毋新班示

右謹具 呈

某人領中

月 日具 位姓 某 劉子

干澆需求罰子新式

某憐時秋冬之交共惟 台候萬福某一別芝眉屢更莫英寸心馳系良切勤拳擬恃愛隆備有稟澆入事

未嘗見教授 某一介貧儒求試郡庠幸而無黜今來未蒙學官照例書食欲乞 台慈婉賜一紙某得以執拜府得先主堂下萬一倘如早悃受賜多矣

千人求學職 某材如機線珠乏寸長滋就春楸換塵前列於例合充職事照得縣庠見有齋長翰嗣負欲望 台慈從照先例補充實拜生成之惠千人治葬事 某不孝罪大所估拜捐家貧力薄未辦入土之計欲望

台慈惻然與念使先父獲歸安宅庶幾麥舟之風冥冥之下當不啻某報千人為貧計 某斗牛不神一貧作祟東馳西驚未免啼號秋高矣縷不救膚稍熱矣粒不充腹欲望仁人特賜矜憫指糜解衣倘沐周旋邪環吐珠當圖論報

仰祈 台登 右謹具

永樂真卷萬字百六十一

五

呈 月 日具 位姓 某 劉子

答式

某伏以真氣送秋共惟尊候萬福某過去光儀歷時滋久方深仰德候辱華箋某入事

答米書見教授 伏蒙寵需郡博士之書敬用揮撥來介吾友人物學問有不待見而知者書食之事幸毋慮焉

答千人求學職 伏辱下喻仰仍不辭有如先輩茲者高中魁選自合升補職事第以近制縣學止存六員之例無以奉周旋非有司敢吝也

答千人治葬事 伏承 寵諭先大夫喪事某辱在 鄉契之末自當少効綿力第以寒舍百冗囁與日不暇給既辱嚴戒薄有十券少助 襄事

微眇皇悚 答千人為貧計 茲蒙 後喻良感 不辭貧者士之常 君貧何慮有如 賢德又豈無哀 王孫者某雖力薄累重敢不少効區區輕鈔可慙

謹此以謝先季切莫台炤

右謹具

月 日具 位姓 某 劉子

假借類

假借人物罰子

某邊達玉未屢轉銅儀缺何與居第深瞻邈即日時今共惟台使動止萬福某少洗聽官入事

問人借書吏 近得一書曰事意洲海幾千萬紙敢就使治借事書吏五名以助勝寫子胃 崇嚴不寒而慄

問人借歌妓 偶會同僚小集諸公淡飲頗覺無味歌者欲乞借差某名使樽俎不至於冷落實拜大賜

問人借人力 欲作某事偶乏人力指揮之下力事可任者就做數名自當厚酬不敢虛辱望為達至

問人借花園 春光可人不欲虛負擬假 盛苑為一日遊賞之樂自當愛護花木無慮跌折幸乞垂允

問人借廨舍 適到鄭鄉未達請見客舍喧雜早意欲就假一處僻處為數日之寓倘荷忻懷銘感

問人借亭船 小女夫見訪且羨 使宅飛簾華舫以為非尋常舡船之比擬欣觀輪軸與某歌舞小酌借乞 左右縱拖款誨切幸不鄙

永樂大典卷二萬字七百六十一

二六

專人申 稟伏幾 煥管

右謹具 呈

某人語了

即刻 某

代罰

答式

某一別音微幾經弦晦方深仰斗啟辱賜雲賓省在辰時台候福以萬集某入事

答借書吏 不知淵海果何書也簡秩若是之富筆吏之喻謹遵約束發去五輩以備使令

答借歌妓 蒙索歌妓敬遵台命即遣一魁五妓更馳十恭五樽少助清歡敢希微笑

答借人力 承需從僕敬聞 命矣如期當達詣 揮下以聽 旨揮

答借花園 伏蒙垂諭敢不遵命小園何幸增輝即成園吏還掃亭館祇候華軒他有所需毋靳班曉

答借廨舍 喜聆都騎光賁弊鄉有失郊迓所前敢不遵成即飭小童迅掃齋亭以為君子之居即乞訪達

答借亭船 伏承小舟之需敢不如或歎想玉瀉冰精相與輝映于綠波

之上洗瑣對酌扣舷浩歌又何俟小子之爾爾適以小兒不果趨承
敬復來介幸恕弗莊

石謹具 呈

某人語了

刻中 某 代劄

假借器用小劄新式

某奉問芝眉倭更信宿緬思藥海茶切勤拳屬時時今敬惟燕居神相尋
候萬福某少事瀆聽入耳

問人借齋乘 賤迹擬嗣旦以幹之某處艱於徒行欲就使宅借筭與兩

日繞歸即得還納倘蒙允諾續遣人告取毋慮其預汗也

問人借駝尼 急有入城之役舍間羸馬偶爾傷足不堪代步上駟暫假

數日不至關張較切幸毋阻回即遣歸感廡

問人借舟船 翌日過某處親故欲就假仙舟數日得蒙垂允則泛長江

而玩華昏門下息波之及也

問人借帳設 某日會賓就假帳設一二副以為陋居之華筋當令臧獲

動視斷無預汗之虞如蒙不外幸荷深矣

問人借雨具 早上天色清明不以雨具自隨候爾翻盆歸途泥濘釘鞋

永樂大典卷三萬三千七百五

二十七

油燻就假片時若蒙允從頂踵受賜

待愛不合瑣擾伏冀原宥

右謹具 呈

某人語了

即刻 某 拜劄

答借不借附

某別德方新仰尊如昨寵汗鼎至不啻空谷之聞足音忻審辰中時今天
相吉人台候福以億華入耳

答借齋乘 下前肩與如我納去方適新造煩丁寧脚夫少加愛護

不借 承需兜子偶舍弟乘之往戶所矣价人徒手而返某奈愧恨何

答借駝尼 款段是需但駕塞下乘不足施於王良造父之手如命納去

回鞭萬弓垂訪 不借 蒙需小馬偶兩日亦傷足暮未能行以違尊旨

恐悚之甚

答借舟船 舴艋承見需即解纜受來使矣歸途能迂訪否計未必與盡

也 不借 承需小船奔擲多時偶不堪用無以應命膚汗顏頰

答借帳設 承需帳具遵命供納紅氍各一副切幸示入 不借 承喻

俗悉偶烟家有花燈之宴昨已遣人携去矣吉日多同聞命不早徒使人

永樂大典

卷二二七六一

張快而已

答借雨具 釘鞋雨靴即彼盛綱首宜聖占為畢之兆貴雨具而出吾兄
豈念不及此耶 不借 雨具之需適值某欲往某處適晚方旋應命不及
值以堂兄占獲不莊仰弓高明特垂字宥

右謹具 呈

某人稱于

即刻

某

申後

假借器用代劄新式

某晚過英歇後經時序一誠仰北萬折歸東即辰時分伏惟台候神介萬
福某少意胃粟入事

問人借書籍 文府紳架才籤不減萬軸欲得某書檢閱輒敢就假閱畢
即便納還必無四礙之稍不外是幸

問人借琴撫 倘有親客至深得絲絳金徽之趣欲聞一曲舍問素乏此
輒就感軒暫假應用 足下知音者能見過同此意否

問人借茶具 親賓相遇高於黑白欲試扣之愧無弄具輒欲澆借想不
見斥丁丁對談 足下素得其樂 勿吝垂顧為幸

問人借酒器 倘欲會賓殊闕器用某物輒欲就宅幫暫假兩日即得馳

永樂大典卷二二七六一

三

納不敢久猶得蒙寵借寒舍增光皆 門下之賜也

問人借茶器 適親舊見惠月圓數片欲試滄之器具不備輒以此為

門下澆用畢即奉還也不外是幸少刻欲賜還訪否

除留 面觀以整謝忱

右謹具 呈

某人稱于

即刻

某

代劄拜覆

答借下借州

某伏蒙揮翰良切謙馮披味以還對躬增愧實審在辰時分神相吉人台
候多福某入事

答借書籍 承眷仰見力學之勤某書之需敢不如戒一覽之餘幸早發

回 不借 承需某書齋中正闕此不及如戒唯字量能照之否

答借琴撫 承需焦桐苦無佳韻謹授來介愧非知音少刻亦當走聽

不借 俗務裝懷不事絲桐久矣已覺徽絃不具難以應命

答借茶具 承需秤局如戒納上足下素非下人者必有高藝少刻或得

竭觀也 不借 飢驅勢迫久與紋楸絕交仰辱見需不及應命無任皇恐

答借酒器 承需酒器謹如數授來介伏幸檢入第恐不悉精雅 不借

蒙需茶器第以古舊毀之久矣無可應命切告不外

答借茶器 茶具之需敢不依命供去少刻敬當如約一求餘瀝以潤喉
吻 不借 冰需茗具良荷不外寒舍所有九瓶石磨而已無可應命
鶴立侯報不如來儀幸乞字昭

右謹具 呈

某人稱呼

在刻 某 代劄拜覆

假借錢物小劄新式

某因守衛茅火慘誨藥其為仰德何可勝情借有懶忱冒干清聽入耳
問人借米穀 偶有在陳之厄敢就盛原那借玉粒十斛以應目下之用
且夕外庄搬致即拜納也

送米穀運人 承以上粒見假濟用良多今專人依數拜還伏幸跡入

問人借錢物 偶有急用擬就使庫權假贖物百餘倘辱垂濟旬日間即

今庄幹辦納稅延非所慮也

送錢物運人 青昆若干絡良荷 見假謹如數納還伏幸 知至

問取借錢穀 昨承假去粒雖物若干欲得支用得蒙飭庄幹早賜撥下
為望

永樂大典卷之萬二千七百五

充

再取借錢穀 外日所稟粒泉物未蒙遣至不免再此浼聞伏幸擲還良

愧催督非用急不敢尔也

取借物通用 某物昨蒙借去想已用畢擲還為幸

還借物通用 某物荷見假為資多矣敢用歸還伏幸日至

特此申稟仰觀照亮

右謹具 呈

某人稱呼

某 拜上

答式

某不雅光霽政切傾依忽辱貽緘聞讀悚感

答借米穀 承需粒物當如來戒供去若干斛幸乞檢至

答不借某長腰承命敢不如戒第寒舍支費百出倉窖久虛支應不及非

辭也

答運米穀 粒物瑣事何必介懷特承支還交頌如數甚為感悚

答借錢物 方兄見需良初不鄙偶未有見金輒納去指券若干價則從

衆伏告悉察 不借 承需雖物寧敢有違伍舍問數時既難以應命

答還錢物 阿諸物何介念之深持冰 擲還敬已預矣

答還錢穀 玉粒青蚨久假為濟甚隆方鈔在幹督辦乃承索及專人送
納交入為幸 未運 重承索及某物久假不歸不勝悚仄更須兩日專
得馳納
答借錢穀 玉粒 雖物久假不歸深切芒負方欲馳上後勞嚴命謹如
數拜納甚愧稽遲
答借雜物 承以某物見假不合久留忽勞需及皇恐之深 運 敬授
來人幸檢至 未有 更望寬假兩日毋慮損汙幸 勿外
答還借物 某物荷 還回已領何速若是耶
敬此復下執幸紹其畧

右謹具

呈

某人揚

某拜

永樂大典卷之二萬二千七百六十一

永樂大典卷二萬二千七百六十一

三

重錄總校官侍郎陳以勳

學士王天任

分校官編修張四維

寫書官監正王叢

園點監生傅通

許汝